

COMEUNE DE MIANA DE SUSE

(Velò Metropolitan-na de Turin)

Ére Tecnicca/Vedzelanse

Determina n° 58/2020/UT do 27/10/2020

Odzeit: Assinhashon afouadzo 2020 - Approvashon verbal de marteladzo fet do C.F.A.V.S.

LO RESPONSABLO DE L'ÉRE TECNICCA/VEDZELANSE

Nominà avó provedimeunn do Santicó n. 3/2020 do 08.01.2020

Prebetà qu'avó deliberashon de G.C. n. 34 do 26.05.2004 aveunn odzeit "Usadzo sevicco de culhetò de boué; linhe guida pre l'attivashon de le prosseure din le more d'approvashon do regulameunn di usadzo sevicco "ou s'ahabliont entrotro li critéro d'assinhashon de l'afouadzo i resideunn;

Donà at qu'avó nota do 19/10/2020 prot. 4028 lo Consòrsho Forestalo Hota Val Suse ou l'at inoltrà copì do verbal de marteladzo identifeiò avó la sigla "2020-26-MIANA DE SUSE-01" (commishon 02-2020-029.00) arferì o telh e recuperashon de plante hanglhérou troussaie, dereizhìe on setseu e de rarimeunn colturalo a fare pre reison fitosanitére e selvicolturale sedzeit a "communicashon simpla" a la Rezhon Piemon;

Tenù contio que lo materialo doquin dessù ou pout iéhre betà a desposeshon i demandeunn aveunn titro arportà din la tabéla 1 iliaia o verbal;

Prein at de les assinhashon féte din lo sudeut verbal do caro do Consòrsho Forestalo Hota Val Suse an base a le demande perveneuve a héta Comeune;

Arlevà que lo C.F.A.V.S. din l'éhrire lo verbal ou l'at asseu catifeiò lo monteunn de tsaque assinhashon hanglhérou, e li relativo fré de marteladzo;

Artenù nessesséro approvar lo sudeut verbal de marteladzo;

Vu l'Estatut comunalo;

Vu l'art. 107 do T.U. di Eunn Localo – D.Lgs 18.08.2000 n. 267;

OU DETERMINE

1. **DE DONAR AT** que la premisa narrativa lhe constitueit pert entegreinta do preseunn dispositivo;
2. **D'APPROVAR** lo sudeut verbal de marteladzo predisposà e souhresù di fonshonéro do Consòrsho Forestalo Hota Val Suse an data 14/10/2020 (verbal n. 2020-26-MIANA DE SUSE 01) arferì a l'assinhashon de plante hanglhérou troussaie, dereizhìe on setseu e de rarimeunn colturalo a destinar a afouadzo e l'iliaia documentashon tecnicca, avó spessecicco referimeunn a la tabula n. 3 identificativa di lòt assinhò e di monteunn hanglhér a versar de pert di privà demandeunn;
3. **DE PREINDRE** lo monteunn dereveunn de la veinta di lòt pre **580,02**, dessù lo Tsap. 306600 "Proveunn telh ordenéro boué" – P.D.C. 3.01.01.01;

4. **DE DONAR AT QUE** après la presentashon do caro do Consòrsho Forestalo Hota Val Suse do “colòout enformalo” de toteu les assinhashon a usadzo afouadzo i se provaieret souita a demanda de storno, a la restitushon d’in depó coshonal de **€ 20,00/cad** dzò versaia di uteunn an avarantiò do respet de tout li adempimeunn ilià la demanda e la souiveinta assinhashon;
5. **DE DONAR AT QUE** l’avenù versameunn do caro di enterishò de le competeinse de lequinte a la Tabéla 3, ou constitueit ensin a la copì de la preseinta e do verbal ilià, tito otorisativo;
6. **DE DONAR AT QUE** pre le periode e le modalitaie de telh e pre lo neteiadzo do boué, i se deveret fare referimeunn a le condishon do contrat iliaie o verbal;
7. **DE DONAR AT QUE**, tal que endecà din lo verbal de marteladzo, pre l’eunn 2020 li fré de marteladzo ou sont pa devù;

Lo preseunn provedimeunn ou veunt envià o responsablo do sarvisho de Reisonerì pre l’adreita de competeinse do poueunn de vue contablo.

Miana de Suse, li 27.10.2020

LO RESPONSABLO DO SARVISHO
(arts. Massimiliano Bolley)

Vu do responsablo do Sarvisho Finanshéro i seins de l’art. 151, coma 4, e de l’art. 147-bis coma 1, do Decret Ledzeslativo 18.08.2000 n. 267, tal qu’adreita favorabla pre la regularità contabla.

Miana de Suse, li 27.10.2020

Lo Responsablo de Reisonerì
(PEROTTO Alessandra)

SERTIFICASHON DE PEBLECASHON

Copì de la preseinta determinashon lhe veunt afizhò a l’Albo Pretouéro de héta Comeune pre 15 dzòrt souiveunn dipé do_____.

N. Reg. Pubbl.:_____

LO RESPONSABLO DE L’ALBO